

法苑珠林卷第四十八

漆八

大唐上都西明寺沙門釋道世字玄暉撰

誠勗篇第四十八

此有六部

述意部 誠馬部 誠學部 誠盜部

誠罪部 雜誠部 述意部第一

夫以立像表真恒俗彝訓寄指筌月出道常

庚辰月

規但以妄想倒情汎流固習無思悛革隨業
飄淪是以涅槃經云爲善清外辭同爪土爲
惡沉滯喻等地塵良由六賊俱至十使交縛
或比行廁盡瓶或擬危城坏器故將崩朽宅
三火恒然逃隱空聚五刀常逐井河引喻遍
形器於剎那屠肆牛羊切性命於漏刻亦如
覓入腋角至窮何趣況復五濁交橫四山常
逼而能安忍不生憂悔所以大聖垂訓法喻
所歸止在誠約身心無公逸慾鑒舉力勵專
征省過但見臨死眼光失落眷屬叢聚對顏
難救嗚呼涕泗慨彼沉淪旣矚斯苦何不自
誠過由我生改不藉他猶有微善宅報在人

又逢遺法親見三寶脫生惡道對目莫知由
此悲痛無由怠情矣 誠馬部第二

正

佛所誓首佛足退坐一面白佛言世尊我觀
世間甚爲輕淺猶如群羊世間唯我堪能調
馬狂逸惡馬我作方便須臾令彼熊病悉現
隨其態病方便調伏佛告調馬師聚落主汝
以幾種方便調伏於馬馬師白佛言有三種
法調伏惡馬何等爲三一者柔軟二者鹿澁
三者柔軟鹿澁佛告聚落主汝以三種方便
調馬猶不調者當如之何馬師白佛遂不調
者便當然之所以者何莫令辱我調馬師曰
佛言世尊是無上調御丈夫爲以幾種方便
調御丈夫佛告聚落主我亦以三種方便調
御丈夫何等爲三一者一向柔軟二者一向
鹿澁三者柔軟鹿澁佛告聚落主所謂一向
柔軟者如汝所說此是身善行此是身善行
報此是口意善行此是口意善行報是名天

是名人是名善趣化生是名涅槃是爲柔軟
第二一向鹿澁者如汝所說是身惡行是身
惡行報是口意惡行是口意惡行報是名地
獄是名畜生是名餓鬼是名惡趣是名廣惡

趣是名如來鹿澁教也第三彼柔軟鹿澁俱
者謂如來有時說身善行有時說身善行報
朱林四
二

有時說口意善行有時說口意善行報有時
說身惡行有時說身惡行報有時說口意惡
行有時說口意惡行報如是名天如是名人
如是名善趣如是名涅槃如是名地獄如是
名畜生餓鬼如是名惡趣如是名墮惡趣是
名如來柔軟鹿澁教調馬師白佛言世尊若

以三種方便調伏衆生有不調者當如之何
佛告聚落主亦當然之所以者何莫令辱我
調馬師白佛言若熟生者於世尊法爲不清
淨世尊法中示不熟生而今言熟其義云何
佛告聚落主如來法中示不熟生然如來法
中以三種教授不調伏者不復與語不教不

誠豈非死耶調馬師白佛實余世尊不復與
語永不教誠真爲死也以是之故我從今日
離諸惡不善業也聞佛所說歡喜而去

又法句喻經云佛問象師調象之法有幾答
曰有三何謂爲三一者剛鈎鉤口著其鞚靽
二者減食常令飢瘦三者捶杖加其楚痛由
鐵鈎鉤口故以制強口由不與飲食故以制
身擴由加捶杖故以伏其心佛告居士吾亦
有三用調一切亦以自調得至無爲一者以
至誠故制御口患二者以慈貞故伏身剛強
三者以智慧故滅意癡蓋持是三事度脫一
切離三惡道

朱林四十八
三

誠學部第三 如增一阿含經云一偈之
中便出生三十七品及諸法義迦葉問言何
等是時尊者阿難便說此偈

諸惡莫作衆善奉行自淨其意是諸佛教
所以然者諸惡莫作戒具之禁清白之行衆
善奉行心意清淨自淨其意除邪顛倒是諸

佛教去愚惑想云何迦葉戒清淨者意豈不淨乎清淨者則不顛倒以無顛倒愚惑想滅諸三十七道品果便成就以成道果豈非諸法乎

誠盜部第四 如雜阿含經云時有異比丘在拘薩羅國人間止一林中時彼比丘有眼患受師教云應嗅鉢曇摩華時彼比丘受師教已往至鉢曇摩池側於池岸邊迎風而坐隨風嗅香時有天神主此池者語比丘言何以盜華汝今便是盜香賊也余時比丘說偈答言
不壞亦不奪遠住隨嗅香汝今何故言我是盜香賊

余時大神復說偈言
不求而不捨世間名爲賊汝今人不與而自一向取是則名世間真實盜香賊時有一士夫取彼糲根重負而去余時比丘爲彼天神而說偈言

如今彼士夫斷截分阨利拔根重負去便是姦姣人汝何故不遮而言我盜香時彼天神說偈答言
狂亂姦姣人猶如乳母衣何足加其言且堪與汝語袈裟汙不現黑衣黑不汙姦姣凶惡人世間不與語蠅腳汙素帛明者小過現如墨點珂貝雖小悉皆現時彼比丘復說偈言
善哉善哉說以義安慰我汝可常爲我數數說斯偈時彼天神復說偈言
朱本大四我非汝買奴亦非人與汝何爲常隨汝數數相告語汝今當自知彼彼饒益事誠罪部第五如閻羅王五五使者經云佛告諸比丘人生世間不孝父母不敬沙門不行仁義不學經戒不畏後世者其人身死當墮地獄主者持行白閻羅王言其過惡此人不孝等種種諸過無有福德不恐畏死唯王

處罰閻羅王常先安德以忠正語爲現五使者而問言第一汝不見世人始爲嬰兒強卧屎尿不能自護口不知言不知好惡汝見以不人荅已見王言汝自謂不如是然人神從行終即有生雖尚未見常當爲善自端三業奈何放心使志造過人荅愚暗不知王言汝自愚癡縱意作惡非是父母師長君天沙門道人等過也罪自由汝豈得不樂今當受之是爲閻王現第一天使也 第二閻王復問子爲人時天使次到汝能覺不人荅不覺王曰汝不見世人年老髮白齒墮羸瘦僂步低行起居任教不人荅有是王曰汝謂獨免可得不老凡人已生法皆老耄常當爲善端身口心奉行經戒柰何自恣人荅愚癡故余王曰汝自以愚癡作惡非是父母君天沙門道人過也罪自由汝豈得不樂今當受之是爲閻王現第二天使也 第三閻王復問子爲人時豈不見世間男女身有疾病身體苦痛

卷一
朱林四十八

黃華

坐起不安命近憂促衆醫不療不人荅言有王曰汝可得不病耶人生既老法皆當病聞身強健當勉爲善奉行經戒端身口意柰何自恣人荅愚暗故余王曰汝自以爲愚作惡非關父母君天沙門道人過也罪自由汝豈得不樂今當受之是爲閻王現第三天使也第四閻王復問子爲人時豈不見世間諸死亡者或藏其屍或棄捐之至於七日肌肉壞敗狐狸百鳥皆就食之凡人已死身悉腐爛汝豈不見人荅言有王曰汝謂獨勉可得不死耶凡人已生法皆當死聞在世間常爲善事勑身口意奉行經戒柰何自恣人荅愚暗故余王曰汝自作惡非是父母君天沙門道人過也罪自由汝豈得不樂今當受之是爲閻王現第四天使也 第五閻王復問子爲人時不見世間弊人惡子爲吏所捕取案罪所刑法加之或斷手足或削耳鼻或燒其形懸頭日炙或屠割支解種種毒痛不人荅言

有王曰汝謂爲惡獨可解耶眼見世間罪福
分明何不守善勑身口意奉行經戒云何自
使人咎愚暗故尔王曰汝自用心作不忠正
非是父母君天沙門道人過也今是殃罪要
當自受是爲閻王現第五天使也佛說經已
諸弟子等皆受教誠各前作禮歡喜奉行

雜誠部第六

大法句經偈二云

一
誠十

誠信

士有信行爲聖所譽樂無爲者一切縛解
比方世利惠信爲明是財上寶家產非常
欲見諸真樂聽講法能捨慳妬此之謂信
無信不習好剝正言如掘取水搔泉揚泥
賢夫習皆樂仰清流如善取水要令不擾
信不染他莫如斯載如大象調自調最勝
信財戒財慙愧亦財聞財施財惠爲七財
生有此財不問男女終以不貪賢者識真
誠死所以非常謂興衰法夫生輒死

此滅爲樂

如河駛流往而不返人命如是

卷六

六

庚

逝者不還生者日夜命自刀削壽之消盡
如榮穿水常者皆盡高者亦墮舍會有離
生者有死衆生相刻以喪其命隨行所墮
自受殃禍雖受百歲亦死適去爲老所逼
病終至際是日已過命則隨滅如少水魚
斯有何樂老則色衰所病自壞形敗腐朽
命終其然是身何用恒漏臭處爲病所困
有老死患非有子恃亦非父兄爲死所迫
無親可怙晝夜慢惰老不止姪有財不施
不受佛言有此四蔽爲自侵欺誠然
爲仁不煞常能攝身是處不死所適無患
不煞爲仁慎言守心是處不死所適無患
彼亂已整守以慈仁見怒能忍是爲梵行
至誠安徐口無麁言不瞋彼所是爲梵行
垂拱無爲不害衆生無所煥惱是爲梵行
常以慈悲淨如佛教知足知止是度生死
普及賢美哀加衆生常行慈心所適者安
晝夜念慈心無剋伐不害衆生是行無仇

卧安寤安 不見惡夢 天護人愛 不毒不兵
水火不喪 在所得利 死外梵天 受樂自然
仁無亂志 慈最可行 應傷衆生 此福無量
誠意 惡言罵詈 橋陵蔑人 興起是行
疾怨茲生 邇言順辭 尊敬於人 棄結忍惡
疾怨自滅 夫士之生 斧在口中 所以斬身

卷四八七庚

由其惡言 爭爲少利 如掩失財 從彼致諍
令意向惡 心爲法本 心尊心使 中心念惡
罪苦自追 心爲法本 心尊心使 中心念善
福樂自隨 隨亂意行 拘愚入冥 自大無法
何解善言 隨正意行 開解清明 不爲嫉妬
敏達善言 惵於怨者 未常無怨 不慍自除
是道可宗 不好責彼 務自省身 如有知此
永滅無患 誠邪 以真爲僞 以僞爲真
是爲邪見 不得真利 知真爲真 見僞知僞
是爲正見 必得真利 碇屋不宻 天雨則漏
意不思正 邪法爲穿 碇屋善密 雨則不漏
攝意惟正 邪匿不生 邪夫染人 如近臭物

漸悉習非 不覺成惡 賢夫染人 如近香熏
進智習善 行成皎潔 正念常興 邪法自滅
自制正法 善名日增 當思念道 強守正行
健者得度 吉祥無上 刻已調心 行不放逸
施戒忍勤 定慧恒明 生不爲惱 死而不感
禍福路分 外沉殊趣 誠愚 愚著生死
莫知正法 愚矇無智 如居暗室 觸事昏馳
寒暑不辨 雖久修習 猶不知法 雖復施行
爲身招患 使心作惡 自致重殃 愚所望處
不謂適苦 臨墮厄地 乃知不善 愚慙作惡
不能自解 殒追自焚 罪成熾然 愚人樂寢
憂感長興 昏冒暗室 如螢處蠻 愚人樂惡
至死不休 雖與善言 反謂怨讐 罪猶未熟
愚將爲觀 至其熟時 自受大殃 愚好財色
晝夜無厭 如焦谷山 注水不盈 愚多造過
觸處被瞋 雖加杖捶 猶不自止 誠惡
深觀善惡 心知畏忌 畏而不犯 終吉無憂
故世有福 今思紹行 善致其願 福祿轉勝

信善作福 積善不厭 信知陰德 喜法卧安 心悅意清 聖人演法 惠常樂行
賢人智者 齋戒奉道 如星中月 照明世間
弓師調角 善人調船 工匠調木 智者調身
譬如厚石 風不能移 智者意重 謂譽不傾
未叢四八
譬如深泉 澄靜清明 慧人聞道 心淨欣然
斷除五陰 靜思智慧能自拯濟 顯理澄真
抑制情欲 志樂無爲攬受正教 異法常存
誠縛 去離憂患 脫於一切 繩結已解
逍散自安 心淨得念 無所貪樂 已度枯涸
如鴈棄池 量腹而食 無所積藏 虛心無想
速近無礙 度身而衣 不求餘長 省事無爲
無所羈靽 制想從正 如馬調御 捨憍棄慢
爲天所敬 不怒如地 不動如山 真人無垢
生死世絕 心以休息 言行亦止 從正解脫
寂然歸滅 奉惡無著 破壞三界 情色永絕
是謂上智 在聚若野 處染不染 應真所歎
莫不蒙祐 常樂空閑 衆人不逮 怪哉上士

天人欽仰 誠誦 雖誦千言 不行何益
不如一聞 勤修得益 雖誦千言 句義不正
不如一要 聞可滅意 雖誦千言 不義何益
不如一義 聞行得度 雖誦千言 不敬何益
不如一行 欣樂奉修 雖誦千言 我心不滅
不如一句 捨憍放逸 雖誦千言 求名逾著
未叢四九
不如一說 素執離著 雖誦千言 不欲除罪
不如一文 去離生死 雖誦千言 色情逾固
不如一解 心境志懷 雖誦千言 不求出世
不如一悟 絶離三界 雖誦千言 不存悲智
不如一聽 自他兩利 誠行 人壽百歲
未叢五〇
聲貪逾盛 不如一日 割捨財色 人壽百歲
九
樂不持戒 不如一日 淨心守戒 人壽百歲
多忿不忍 不如一日 含喜不瞋 人壽百歲
息情不動 不如一日 筵勸身心 人壽百歲
情欣放遠 不如一日 歸心空寂 人壽百歲
昏暗識心 不如一日 洞悟無明 人壽百歲
拙御身心 不如一日 巧便遷致 人壽百歲

常懷怯弱 不如一日勇猛慧力 人壽百歲
不起善願 不如一日發行四弘 人壽百歲
不生一智 不如一日慧性聰利 誓口
雜阿含經諸天說偈云

士夫生世間 父在口中生 遠自斬其身
斯由其惡言 應報便稱譽 應譽而更致

其罪口中生 死則墮惡道 頌曰

建志誠心愚 高慕欣明儔 相與立弘誓
捨俗慕開立 菩散人物外 晃朗免網繆
寂寂求誠真 叠疊勸心柔 警策終三業
澈切澄四流 兴心願弘誓 救溺蓮慈舟
嘉期歸妙覺 善會涅槃船 存心八正道

立志三祇休

感應錄

拾引 四驗

晉沙門釋支道 周沙門釋士名

周沙門釋道安 齊沙門釋僧範

晉剡沃洲山有支道字道林本姓陳留人或云河東林慮人初有神理聰明秀徹晉王羲之觀達才深高絕罕尋遂拔幹解帶留

連不能已仍請住靈嘉寺意存相近又教述
刻山於沃洲小嶺立寺行道僧衆百餘常隨
稟學時或有情者道乃著座右銘以勵之曰
勤之勤之至道非致奚爲淹滯弱喪神奇注
注三界眇眇長羈煩勞外湊冥心內駢殉赴
歎渴無遺志疲人生一世消若露垂我身非
我云云誰施達人懷德知安必危寂寥清舉
潔累禪池護守明禁雅說玄規發心神道抗
志無爲察朗三藏融治六癡空洞五陰虛霧
四支非指喻指絕而莫離妙覺既陳又玄其
知境轉平任與物推移過此以往勿思勿議

周渭濱沙門士名法師自識云 十夫以迴天

朱子大

倒日之力 一旦草勝岱山磐石之固忽焉燼
滅定知世相無常浮生虛僞譬如朝露其停
幾何大丈夫生當降魔死當銅虎如其不余
徒生何益不如修禪定足以養志讀誦經足
以自娛富貴名譽徒勞人耳乃棄其簪笏剃
其鬚髮衣衲杖錫聽講談玄義國未寧安身

無地自獸采骸甚於桎梏思絕苦本莫知其
津大乘經曰如說行者乃名是聖不但口之所言小乘偈曰

不行何所說 若說不能行 不名爲智者
所以顏回好學勤改前非季路未修懼聞後語功勞智擾役神傷命爲道日損何用多知

誓欲枯木其形死灰其慮降此患累以求虛寂乃作絕學篋亦名息心贊擬夫周廟其銘曰法界內有如意寶人焉久滅其口銘其脣曰古之攝心人也誠之哉誠之哉無多慮無多知多知多事不如息意多慮多失不如守一慮多志散知多心亂心亂生惱志散妨陰迹滅影沉厭生患老隨思隨造心想若滅生死長絕不死不生無相無名一道虛寂万物齊平何勝何劣何重何輕何賤何辱何貴何榮澄天愧淨曠日懶明安夫岱岳固彼金城敬詒賢哲斯道利貞周京師大中興寺釋道安姓姚氏馮翊故城人識悟玄理早附法門神氣高朗挾操清遠乃作遺誠九章以訓門人其詞曰敬謝諸弟子等夫出家爲道至重至難不可自輕不可自易所謂重者荷道佩德紫仁負義奉持淨戒死而有已所謂難者絕世離俗永割親愛廻情易性不同於衆行人所不能行割人所不能割忍苦受

朱林

美基

上

辱捐棄軀命謂之難者名曰道人道人者導人也行必可履言必可法被服出家動爲法則不貪不諍不讒不匿學問高遠志在玄默是爲名稱參位三尊出賢入聖滌除精魂故得君主不望其報父母不望其力普天之人莫不歸攝捐妻減養供奉衣食屈身俯仰不辭勞恨者以其志行清潔通於神明淡泊虛白可奇可貴自獲荒流道法遂替新學之人未體法則棄正者邪忘其真實以小黠爲智以小恭爲足飽食終日無所用心退自推觀良亦可悲計今出家或有年歲經業未通文字不決徒喪一世無所成名如此之事不可深思無常之限非旦即夕三塗苦痛無強無弱師徒義深故以申示有情之流可爲永識

其一鄉已出家永違所生剃髮毀容法服加形辭親之日上下涕零割愛崇道意凌太清當遵此志經道脩明如何無心故存色聲悠悠竟日經業不成德行日損穢積遂盈師友

未林四八士卷五

慙恥凡俗所輕如是出家徒自辱名今故誨勵宜當專精其二卿已出家棄俗辭君應自誨勵志果清雲財色不顧與世不群金玉不貴惟道爲珍約己守節甘苦樂貧進德自度又能度人如何改操趨走風塵坐不暖席馳務東西劇如僕役縣官所牽經道不通戒德年今故誨勵宜各自憐其三卿已出家求辭不全朋友蚩弄同學棄捐如是出家徒喪天宗族無親無疎清淨無欲吉則不歡凶則不哭超然縱容豁然離俗志存玄妙輒真守樸得度廣濟普蒙福祿如何無心仍著染觸空諍長短銖兩斗斛與世諍利何異僮僕經道不明德行不足如是出家徒自毀辱今故誨示宜自洗浴其四卿已出家号曰道人父母不敬君帝不臣普天同奉事之如神誓首致敬不計富貧尚其清脩自利利人減割之重一米七斤如何怠慢不能報恩倚縱遊逸身意虛煩無戒食施死入太山燒鐵爲食融銅

灌咽如斯之痛法句所陳今故誨約宜自改
新其五卿已出家号曰息心穢雜不著唯道
是欽志參清潔如玉如冰當修經戒以濟精
神衆生蒙祐并度所親如何無心隨俗浮沉
繼其四大次其五根道德遂淺世事更深如
是出家與世同塵今故諫約幸自開神

其六
朱華四八

十一

卿已出家捐世形軀當務竭情泥洹合符如
何擾動不禁閑居經道損耗世事有餘清白
不履反入泥塗過影之命或在須臾地獄之
痛難可具書今故戒勸宜崇典謨七卿已
出家不可自寬形筆辭陋使行可觀衣服雖
塵坐起令端飲食雖疎出言可餐夏則忍熱
冬則忍寒能自守節不飲盜泉不肖之供足
不妄前久處私室如臨至尊學筆不多可濟
上賢如是出家足報二親宗族知識一切蒙
恩今故誠汝宜各自數其八卿已出家性有
昏明學無多少要在修精上士坐禪中士誦
經下士堪能塔寺經營豈可終日一無所成

立身無聞可謂徒生今故誨汝宜自端情
日卿已出家永遠二親道法革性俗服離身
時親之日乍悲乍欣邈余絕俗超故埃塵當
修經道制己屢真如何無心更染俗因經道
已薄行無毛分言非可貴德非可珍師友致
累恚恨日殷如是出家損法辱身思之念之
好自將身齊鄰東大覺寺釋僧範姓李平
鄉人也戒德清高守禁無虧嘗宿他寺意欲
聞戒至於十五日說戒之夜衆議共停說戒
乃爲法集有僧外座將欲堅義寂云堅論法
相深會聖言布薩常聞擊難爲勝忽見一神
形高文餘貌甚雄峻舉聲驚人來到座前問
堅義者今是何日答曰是布薩日神即以手
搃之曳之下座委頓垂死次問上座問答同
前搃還將死陵害二三上座已神還掉臂而
出當時道俗共覩非一範師既見斯異乃自
勸力薦榮大衆至於一生無敢說欲繼有病
重不堪勝舉請僧就病人所恭敬說戒闇境

僧尼承斯微誠至布薩日亦不虧法右四誅出梁高僧傳
法苑珠林卷第四十八

漆八

悛音羈
反辯音
反譏音
反寡音
反井臺音
尾殉音
反辟音
反桎音
反

楨古木
反壞力移
反職公了
反牒足角
反燭於歎
反

法苑珠林卷第四十九

漆九

大唐上都西明寺沙門釋道世字彥偉撰

忠孝篇第四十九此有五部不孝篇第五十

述意部 引證部 太子部 眇子部

業因部 述意部第一

竊聞孝誠忠敬高柴董勣之賢反悞尊親罪

過王寄之逆是以木非親母供則響溢千齡
凡非聖僧敬則光逾万代理應傾心頂戴獲
福無邊何得起悞高心反生輕侮也所以立
身行道揚名於後代終身盡者寔建國之前
美故念子路見於孔丘曰由事二親之時常
食藜藿之食爲親負米百里之外親沒之後

南遊於楚從車百乘積粟萬鍾累茵而坐列
鼎而食猶願食藜藿之食爲親負米不可復
得每感斯言雖存若亡父母之恩云何可報
慈深河海孝若涓塵永慕長號痛貫心首俗
稱乳哺生我肉身一世之恩尚復難報况復
如來大悲普洽等同一子拔除三塗得離四
生長辟八苦求御三乘靜思恩重豈同凡俗
內心崩潰如焚如灼情切於理痛甚刀割歷
劫瞻敬長薦珍羞亦未能報須臾之恩故涅
槃經云佛有一味大慈悲愍念衆生如一子
衆生不知佛能救毀謗如來及法僧

引證部第二 如末羅王經云人問世尊

何等爲父母力佛言謂受父母身體乳哺育
養之恩或從地積珍寶上至二十八天悉以
施人不如供養父母是爲父母力 又增一
阿含經云尔時世尊告諸比丘有二法與凡
夫人得大功德成大果報一供養父母二供
養一生補處菩薩施此二人獲大功德受大